



容覲槐(容閔之子)在華遭際之自述

述

譯美國世界雜誌

甘作霖



上篇

予生長於美。足跡未嘗履中國。前歲作第一次東游。而種種之遭際以起。茲以世界雜誌記者之請。特草此篇與之。並錄下列之記載三則。以爲全篇之發引。蓋此記載皆與予在華遭際有所關合者也。千九百十三年九月十六號北京日報之記載曰。本月十四夜。被捕於軍警。而備受其荼毒之容覲槐氏。今知其卽爲新故容閔博士之子。是則大足引人注意者也。容閔博士之有造於中國者甚多。嘗奉命爲駐美公使。而其姓名則當與當日之教育運動共其悠久。蓋中國之派遣第一批學生赴美留學。實容博士有以玉成之也。卽以振興實業而言。容亦有功甚鉅。招商局輪船公司之組織。江南製造局之創設。半出於博士提倡之力。清廷以其爲國家利益計。而首開華人出洋游歷之風。賜黃馬褂以榮之。蓋異數也。又九月十七日上海字林西報之記載曰。美

籍人民容覲槐被捕一案。美國人大爲驚駭。華盛頓國務部已准駐華美使之請。向中國提出要求。有懲辦行兇軍警。斥革該管警吏。政府正式道歉。酌予被害人償金等條件。國務總理熊希齡於本日起美使署。具述負疚之意。按容覲槐之父。爲華人之最先畢業於耶魯大學者。旋取美國女子爲婦。成家立業於美。其子生於美。固完全爲美籍人民。子亦耶魯大學畢業生。近嘗爲廣州製造局總理。軍警以其與南方雅有關連。偵伺甚嚴。卒至被逮云。以上二則。皆報紙之記載。今復撮錄千九百二年耶魯大學畢業生題名錄所載如下。白拉德古爾屯 Brubert Colton (卽容覲槐之西名) 姓容氏。千八百七十九年一月二十二日。生於華盛頓。父容閔。法學博士。千八百五十四年畢業耶魯。母瑪麗羅賽。已於千八百八十六年五月二十九日逝世。白拉德古爾屯曾習豫備科於哈德福高等學校。及入大學。肄業專修科時。曾充威格華辦論會理事員。屢膺首選爲言語才。又曾爲 Lia

26592 Phi, Delta Kappa, Wolf's Head 等會友。出校後。服務於某某出口商者一年。旋入紐約州李洛克林軍械公司。Rotary Title and Machine Co. 升任為該公司總理。其同班友倪文斯即為公司書記云。觀於以上所引之三則。而予之履歷大約可見。顧予父雖為華人。而予則生於美。長於美。直至二年前。始以美國軍械公司代理人之資格。航海而東。或有叩予以感情之所向。究為中國。抑為美國者。予殊無以應。特予於東游之際。每見美國之國旗。招展於遠在數萬里外之中土。未嘗不為之哽咽欲絕。此或以我母之隸美籍。實由其祖若父乘五月花西渡之後。(五月花。舟名。舟中皆英人而赴美者)為力爭合眾國燦爛之星旗。而一與於革命之戰。再與於南北美之戰。厥後遂宅居於美。為共和國之子民。當日中華之時局。實有足使予回憶我母黨之往事者。以是而感慨之情。發於不自覺。未可知也。又或以予生長美國。未嘗遠游。一旦於生平所未履之國土。輒觀我夙昔所習見之國徽。俯仰之間。不無根觸。是亦未可知也。予所可為或人告者如是。此外則不能更置一辭。今當敘述予東游之遭際矣。予啓程之際。正墨西哥亂事劇烈之時。美政府以此特頒文告。謂美洲不論何國。苟其起有內亂。則商民人等概不得將軍火運往。違者從重懲治云云。予此行。實攜有最新式之機關砲一尊。各式小軍械一套。所以示東方軍界。作樣本之用。此外復有子藥二萬碼。則以備機關砲試放之用者。特美政府既有上項文告。則各輪船自不肯承載。蓋恐政府疑及此項軍火。或以

接濟美洲內亂之國。而船隻或不免受扣留及罰鍰之累也。惟然而予之樣品。不克由紐約航運出口。且是時中國正當革命初起之後。凡進口輪船之裝有軍火者。一經發覺。非被扣於清廷之江海關。即受窘於革黨之軍政府。故欲將樣品搭載東行之船。直接運華。亦殊勢有所弗能。質諸中國駐美公使。則稱未接有本國之訓令。不能以辦法相示云云。予躊躇數四。最後乃決計將全部樣品。納額外之行李費。運赴桑港。而寄交日本之橫濱。予亦乘此船而東。辦理尚稱得手。船中旅客多美國人。而尤以青年為衆。既抵橫濱。而困難以起。蓋美國人之經營軍裝業於東方者。同行嫉妬之心滋盛。其不滿於同業之與為競爭。而謀所以阻撓之者。固無所不用其極。予迭次發電至上海。再三磋商。始約定樣品運滬後。暫時交關棧存貯。俟向正當之主政機關。請得軍用提貨單後。然後將樣品領出。顧對華一方面之辦法方經議妥。而舟至神戶。日本警吏竟持信票登舟。啟軍火艙之門。擬將予託運之樣品盡行沒收。日警向予頻頻鞠躬。面作笑容。其意固以為予所攜之軍火。已悉被其籍沒也。而豈知予幸賴管貨之船員某君。事前預為戒備。故所失者僅全部軍火中之一小分而已。予抵上海時。正時局擾攘之秋。南北委員。方於滬上磋商媾和條件。黃興為長江流域南方諸省之統帥。而北方則悉在其勁敵袁世凱之手。其由洋員辦理之上海稅關。則已宣告中立。孫逸仙已乘慢輪。(輪船之有慢輪快輪。亦猶火車之有慢車快車)由外洋向廣東進發。予聞此信。即以軍裝樣品存諸

關棧。而悄然登某公司之書信快輪。往謁孫氏於粵。孫抵廣州。予已先至。予與孫本嘗有一面交。況此行持有美國軍械公司之委託書。故孫氏慨然接見。絕無疑難。此爲予蒞華後之著手辦法。頗稱順遂。旋即疾馳至南京。勾留十日。始由黃興給以執照。准赴中華民國各省游歷。並得於各軍司令之前。實行試驗予所攜之鎗礮。予既得此威力至鉅之准許狀。即持赴海關領出予所存之軍火。並即過返南京。約期在大將軍前。首先試放予之機關礮。黃興今日亡命海外。以東瀛爲遁逃藪。而當時則威權赫赫。長江以南之軍隊。悉歸其統率。駐跡大將軍府。儼然至尊。此府第者。卽滿清之督署。亦卽太平軍時代之天王宮殿也。試礮之地。擇於明陵背後之山坡。可以俯瞰皇城。皇城本爲旗人所居。今則此中建築。已什九爲礮火所傷。頹敗情形。殊足發人今昔盛衰之感。試期既屆。予即驅車至大將軍府。同行者凡三車。魚貫而進。第一車爲將校若干人。擬隨同大將軍觀試者也。第二車所載者爲予之機關礮及子藥。第三車卽予與上海某洋行之華代表。此人當於下星期挈予游歷內地。而請其指導一切者也。是時南方軍隊。雲集寧垣。顧氣象散漫。似鮮節制。一路驅車而前。屢被攔阻。示以證書。始得放行。既而車抵大將軍府。予方入府門。經外庭時。忽聞鎗聲甚急。起於近畔。事後始悉是日有軍士數隊起而譁變。並擬縱火焚將軍府。雖不及一小時。卽行撲滅。然當時秩序紊亂。綱紀蕩然。卽此已可見一斑。況以大將軍之本營。尙有此變。則他處自益不可

問矣。黃將軍於前一日。曾邀予等宴飲。今以飽受虛驚。杜門不出。故試礮之期。亦遂展緩三日。三日後。黃將軍率參謀部全體人員臨閱。幕府人才濟濟。幾無一不鼻架晶鏡。而列於將軍等之後者。則爲步兵一團。予所攜機關礮。每分鐘五百發。不轉瞬而五六百碼外之鵠的。已碎爲片片。於是轉礮向一英里外之山坡。轟然復發。礮彈到處。塵土大起。綿亘約半英里。諸將士大悅。而歡呼之聲旋起。此爲予試礮之成績。願試在中國論價訂約。達我營業界交易之目的。則爲道甚難。進行尤緩。其間有種種現象。猶存中古時代之陋習。予姑置勿言。而往復磋商之際。必以酒肉酬酢爲相輔而行之具。大盈小碟。肴核紛陳。其中如海藻(按卽指海帶之類)黑卵(按卽指皮蛋)之屬。苟非素習。勢將望而却步。予留寧若干日。始得謝絕社交。向揚子江上游進發焉。有中國某軍官告予以一事。頗足資談助。當威麥公司(威克斯父子與麥格沁之合資公司。著名之麥格沁快礮。卽該公司所造)之代表某。初次赴上海時。望有麥格沁快礮一尊。載往製造局當衆試驗。並備述各機件之作用。局員卽設席款之。所進肴饌。共有六十四道之多。是以飲罷席散。已在夜闌後一二小時。而局中機匠之藝術較精者。則奉局員密飭。乘洋員宴飲之際。將該礮機關。逐件拆卸。或臨樣圖。或製模板。及天已黎明。始裝合如原式。而由局員還諸洋人。並謝其厚意。惟謂目前中國市場。尙難銷行此種快礮。待日後再當奉教云云。然中國機匠。雖按式做造。而所造者殊不適於用。故

26594 中國所用之麥格沁礮。迄不能不求諸異國也。某軍官所言如此。是亦足見在華兜售軍裝之不易矣。予與上海洋行所派華代理人。由南京乘輪向上游進發。既抵九江。改乘純屬華人自辦之小火輪。折而向南。橫渡鄱陽湖。於湖源所在。溯長江而上。以達於江西省之南昌府。南昌者。乃是時南方民軍第二大本營所在也。方予在九江登小火輪時。見舟中有兵約三十人。其衣服之襤褸。形狀之瘠惡。實足以啓予之疑懼。惟若輩皆無軍械。尙稱幸事。第一日傍晚時。廣集於甲板小艙外。向予同伴華代理人詢問。謂此洋鬼子來贛何事。予方全日注力於塗擦機關礮之各機件。是時嚴闔小艙之百葉窗。將各機件仍復裝合。聞若輩詰問之辭。乃汲汲竣事。並潛將實有子彈之革帶。納於礮機。部署既已。卽召華代理人入艙。請其傳語門外之兵。略謂此洋鬼子異常兇悍。且有神經病。不如勿犯。時華代理雖勉強發言。而實已驚駭無人色。予乘其言畢。卽突然啓門。轉礮向空。連發五十彈。勢如颶風急雨。並引吭而發耶魯大學校競武時之口號。藉以作氣而示威。耶魯吶喊之聲。爲予少小所習用。故此際不自覺其奪喉而出也。自是而彼三十人者。相率退處於小火輪之一端。直至南昌既抵。旅客登陸。終不敢與予接近。其爲惕於華代理恫嚇之言。抑礮彈之連發。或耶魯之口號。有以震懾之。迄亦不得而知。該輪之中國船主與技師二人。視予所爲。若甚以爲可娛。然旅客間之衝突。彼固以袖手旁觀聽其自了爲得計者也。此次之遭逢。予恆舉以告人。藉爲笑樂。然當時之危

險。至今思之。猶有餘悸耳。抵南昌時。有李都督部下之將校出而招待。予等盤桓十日。適值天時炎熱。而華人生活程度又低。兼之途途穢氣。薰蒸撲鼻。以故食住二者。異常困苦。予鑒於南昌之厄。嗣後無論至內地何處。必自備軍用水壺一具。罐頭食物數品矣。在南昌亦嘗試礮一次。試後更閱一星期。而所事始畢。乃與陳君偕返九江。守候上水船之駛入。陳君者。卽伴予同行之華代理人也。旋有人見告。謂九江海關稅務司適他出。且莫有知其蹤跡者。是以鎗礮等件。不能運登輪舟。否則恐干未便云云。予乃特僱一舢舨。令暫裝軍火。而守候於江。迨輪舟既入。且已投錨而泊於輪步之側。乃命舢舨移近該輪。並繫纜焉。予則悄然登輪舷之梯級。尋得爲首之侍役。而餽以墨銀十圓。役欣然。就輪舷僻靜之處。爲予運軍火於輪。而安置於予所定之官艙中。凡經售軍火之人。勢不能不隨事隨地。略用權術。以免種種之困累。予之賄囑船役。亦卽以此。顧當時中國。方當革命期內。四境騷然。予所經之處。非宣布戒嚴。適用軍法。卽秩序紊亂。全然無法。以新來自海外之人。隨攜機關礮。三足架。手鎗旋鎗。火藥子彈之屬。而深入內地求售。其爲危險可想。其益不能不有賴於權術。尤可知也。予自九江抵漢口後。設法得入鄂都督府。謁見黎元洪氏。黎偕同湖北省議會議員數人。在府內一花園中。令予將機關礮之機件拆卸。旋復裝合爲一。黎閱視既畢。立命幕友修一薦書。令予持往北京。求見陸軍部總長。時北京已漸有集大權於中央之趨勢也。至湖

北則兵變之事。已再三作。居民有風聲鶴唳。草木皆兵之懼。黎都督恐其聞礮聲而疑駭。故禁不令予試放。武昌一帶。礮火遺跡。隨在可見。人民創痍未復。而怨望者之隱謀。尙復日出而不已。予既得薦書。卽匆匆就道。一若以離鄂爲大快者。惟華代理人陳君則留鄂未行。予渡江後正欲登京漢路之星期快車。突有一法國人輕拍予肩。告予以鎗礮子藥之屬應從扣留。決不能由客車運載而行。且謂無論持有何人之護照。然此係定例。萬難破壞。此法國人。卽京漢星期快車之車掌也。予聞言。頗覺爲難。幸予有從兄弟爲黎都督參謀之一。時正在漢送行。予乃授以黃興之護照。及墨銀一百圓。請其僱一人。乘下班京漢貨車。押送軍械入京。予則由客車先行。凡二日一夜而至。卽往投宿於六國飯店。起居飲食。至爲暢適。擬俟軍械運到。然後以黎都督之薦書。投呈於陸軍部。按是時南北雖已宣告停戰。而袁世凱氏之偵探。密布於各處。尤以鐵路及旅館爲最多。予從兄弟所遣之人。爲予押送軍械入京者。乃鄂都督府中之幹役。乘日間開行之運貨慢車。由漢抵京。卽被偵探所拘。黃興之護照。及飭文若干件。均爲若輩所沒收。而運京之軍械。則仍聽遞送至目的地。俾受貨者得以接受。而若輩因得偵知其爲何人焉。予在六國飯店中。突然接得此項物品。既無稅關及鐵路應有之憑照。而交民巷稽查貨物之所。亦似並未預聞者。正駭詫間。忽見有坐於旅館遊步場之列椅者。猝然起立。以冷峭之態度。向予致辭曰。頃有偵探赴總統府報告。謂洋人某攜有快礮

若干尊。乘京漢火車抵京。據所得證據。知偵探所稱洋人某者。卽其人。總統府擬照會使署引渡。交軍警執法處。按軍律訊辦焉。此致辭之華官。卽袁世凱氏倚畀方殷之武衛官。名曰蔡廷幹者是也。予以外國軍械公司工程師兼經售員之資格。自赴華遊歷以來。歷次所遇華官。大抵扈從如雲。氣象赫然。其待予也。有殷勤懇摯者。亦有冷淡如不欲觀者。然能使予見狀而踟躕。聞言而驚怖者。獨此惠然肯來之蔡廷幹氏耳。旣而予自念此次來華。本爲營業計。予之營業既非違法。而予所持之委託書又極正當。則在我固無所用其中餒。卽偵探造謠。性命可慮。亦祇須與美使館加意接近。卽不患其相犯。況偵探之在總統府。必有種種鋪張揚厲。聳人聞聽之辭。予或者反能因此而直接入府。以一瞻袁氏之顏色。未可知也。予乃出公司委任狀。及黎副總統介紹書。並告以此次所挈快礮不過一尊。惟係西國最新式之製作。擬求見總統與陸軍總長。請其鑒閱。此外更有自動機手鎗若干事。則擬呈總統。爲不腆之儀者。予聲說旣已。卽請蔡氏爲予轉達總統。約期一見。蔡本嘗在美國留學海軍。且性喜機器之學。驗視委任狀後。卽從予入室。細閱予所挈機關礮之各機件。興味頗極雋永。臨行時。僅稱歸見總統時。當代予剖白而已。閱數日。接總統府來書。命挈機關礮入見。予卽奉命。從齋書之使者而往。旣抵總統府。有衛隊挾予而行。歷門數四。入一花園。使者傳總統命。卽架礮於園中。時予前後左右。皆總統之衛兵。布置旣已。總統由鄰近一屋宇中。循

26596 石級而下。隨待者有大官十餘人。陸軍總長與蔡廷幹氏亦在其列。總統蓋在鄰屋中進早膳。膳畢而後出也。蔡氏以單簡之辭。爲予介紹於總統。並居間傳譯。令予將機關廠拆卸。並以極短之時間。將各件仍復裝合。此以蔡廷幹氏曾在旅館中。目擊予所爲。故以此繩諸總統。而總統遂有此面試之命也。機關廠之拆卸旋合。本以三分半鐘爲最速。特予是日分外謹慎。袁總統等皆手執時計以待。及畢事。據稱約六分鐘云。既而予出手鎗一對。上諸總統。並爲之指示機件及用法。袁意態頗不落寞。而接受之間。極形審慎。殆恐予挾有炸彈。將乘機一逞也。世以袁爲中國之卑士麥。亦有擬諸拿破崙者。予意其必有嗚呼叱咤之氣概。而豈知狀態殊和霽而溫厚。且爲老人中之清俊者。至其特著之性質。似係富於智力。銳於觀察。此實與予事前之懸想。絕不相侔。予是日回寓後。意頗快慰。一以袁氏受領予所贈之手鎗。絕未推却。一以陸軍總長對於機關廠。曾深致讚許。且允他日當再加試驗也。然而日復一日。所奔走從事者。仍爲求見軍界。求賜試驗。而滿意之結果。則尙遲遲其有待。既而由北京啓程赴奉天。冀所事之或有一當。時則外國軍裝公司之派遣代理。赴奉求售者。計有六家之多。其競爭之劇烈可想。然軍裝樣品。多被禁止運輸。其能由北京徑運至奉天。而未被攔截者。獨予一人而已。是不得謂非幸事也。獨惜赴奉後所成之交易。皆係轉向德國廠家定購之來福鎗。且以競爭之烈。每桿僅售美金五圓又百分之四十四。爲價既如是其廉。而除保險

費。轉運費。用錢。利息等不計外。尙有都督師長以及其他員吏之剋扣。皆須取給於是。然則廠家所獲。能有幾何。予以是嘆東三省自開放門戶以來。國際上之競爭雖烈。然競爭者所得之利益。實渺乎其微。謂爲小鮮。猶未當也。予在奉天。接德商來電。謂河南都督向該公司訂購我美國工廠所造之機關廠。卽煩予赴河南立約云云。按電文所稱。美國工廠者。卽予所經理之軍械公司。其所指之機關廠。又卽予一路所攜。而曾經屢次試放者也。其時河南都督爲袁總統之至親。予向河南進發時。又與京漢路管車者法國人某相遇。前次由鄂入京。所遭種種波折。皆受此法國人之賜。惟此時予於中國人之世故。及其應變之方。已嘗有經驗。遂將所攜軍裝。安置於頭等車室之內。巍然踞坐。除武力強迫外。予決不允其復出此室。法人見予岫強。又以予挈有如許武器。恐獨力難支。遂偕車務稽查員某華人。同入而相迫。然該稽查一見予所持袁總統之護照。亦卽逡巡而去。不復相溷。予抵河南後。由都督府交出現銀九箱。作爲定貨之款。予隨將此項銀兩。由開封交鐵路公司運送至北京。惟時河南秩序未復。當予由都督府解款至車站時。令羊角車分裝銀箱。輾轉而行於前。已則兩手各執一鎗。躑躅而監於後。奔波數英里。始得抵車站。並卽押解至北京焉。予在開封遇英人某。擬啓程至河南府以西之某地點。彼跨越京漢線。延長百餘哩。至鄭州而作直角形之一支路。其東端爲開封。其西端卽此英國人所欲往之地點。亦卽所謂滯關者是也。由開封至潼關。

必須經半沙漠之某區域。除結隊行商赴新疆者所必由之大道外。其他更無可行之路徑。而此大道中間。尚有一部分之地。爲青服垂簾之第二師軍隊所據守。第二師祇知盡忠於滿清。此外則無論何種政府。要難得其悅服。是時該軍隊正與袁氏遺守潼關之將士。相持而不下也。英人名施華羅。Mr. Swallow 其赴潼關。蓋欲謁其主將。銷售軍火。本有同伴數人。至此皆忽然捨去。不得已賜予偕行。且許抵潼後。當爲予代銷美公司之貨。予以經手事件。悉已辦理就緒。乘此向潼關一行。計亦良得。遂慨然允之。約以解款入京。向德商交割後。卽當過返。以便借發。按是時各省及各地方於採辦軍火一事。尙多自由行動。不受中央之節制。各省都督或各軍司令。皆有任意購置之權。北京政府惟有嚴飭各海口加意稽察。苟採辦者而爲擁護中央。素行可信之人。卽徑予放行。不加留難。否則藉關吏之權。以施其間接取締之術而已。至採辦軍火之費。除中央自置者。由陸軍部給發外。其餘則概歸各省自行擔任。政府以經濟窘迫。無從而撥助也。予在北京。向德商交代既畢。卽由火車復發。經一日夜而抵鐵路之交叉點。至則英人施華羅氏已束裝待發。其行李有車有騾。有備騎之馬匹。有全副之幕帳。有餽贈官場之禮物。有以待主顧之香檳。此外更有華僕二名。庖人一名。可謂既周且備矣。啓程後。至路線既盡。不得不下車而行。跋涉於河南西部之沙嶺峪谷間者凡十日。夜則宿於逆旅之庭。晨四時卽起。行旅之備有車輛以及驢騾駱駝之屬者。綿亘勿絕於途。

更有所僱苦力。皆負擔笨重之貨物而行。每值亭午。暫駐於沿途之城鎮或村落中。輒有華人無數。環視予等之進食。若不勝其驚異者。迨潼關漸近。則風景亦漸豪曠。而青色制服之兵亦漸少。旅客得免其滋擾。頗覺清靜。施華羅君精嫻華語。初時被若輩盤詰。輒託辭以對。決不敢實告以目的地。至此乃明示以赴潼關。惟自稱係尋常商人。諱經售軍裝而不言。其實予等除同行者六人外。尙有車夫若干名。而皆跨下有騎。手中有械。故途次亦未被若輩之荼毒。潼關爲歷史上有名之重鎮。乃中古時代之金湯。予既抵其地。覺耳目胸襟爲之一振。舉凡前此所見中華名勝。皆不足以敵其雄奇。城垣突出於巖石之上。高於衢路者約千呎。路勢蜿蜒。向城根而進。入城門而不見。潼關有如此之形勢。而是年兩軍相戰。聞旋得旋失。旋失旋得。至五次之多。要必有通款於敵者潛爲之內應。固無疑也。潼關駐軍。皆御灰色制服。爲數至衆。然大都衣履不完。軍械不備。氣象殊極闌珊。主將對於施華羅君。頗致歡迎。予等駐跡於官署者凡一星期。營業上之訂約。亦極滿意。施與予皆深喜此行之不虛。不幸予等未能將定貨銀兩。匯解至北京。至與臨行前之成約有背。北京西商以此置不措辦。而所事因以延闕。未幾而討袁軍起。予等之交易。遂全歸於傾覆焉。然予等自潼關過返時。意興仍極佳勝。惟以來時飽受陸路沙塵之苦。且雅不願與青衣兵士頻頻相遇。故改由水路趨行。以極鉅之價值。僱一平底巨舟。挈車馬行李。遵黃河之急流而下焉。黃河素稱中國

26598 忠。然陸行三日之路程。水行一日而達。旋以水流過急。不得不捨舟而陸。登陸後。同行諸人相與摸索於昏暗中。冀達來時所曾駐宿之某旅店。爲予嚮導者。乃一自請效勞之青衣兵。予先衆人而行。不意馬足忽陷於深約六呎之潭。予雖將足踏之鏗。急行踢去。而背負一來福鎗。匆促間。竟爲鎗桿所擊。遂至昏仆。及醒。則見有青衣兵一羣。環立於予之四周。幸是時同行者繼至。遂相與訪逆旅主人而投宿焉。至予之一跌。究出於嚮導兵蓄意之不良。抑由其將事之不敬。雖未能置決。然若輩虎視眈眈。固無時不存一乘機而逞之心。予等於次日清晨。正擬由旅店出發。忽有擴悍非常之兵士三人。昂然而入。伸其巨靈之掌。撫摩車上所置之行李。予等力示鎮靜。並虛與委蛇。以表謙敬之意。據予等當時所知。此項青衣兵之駐於本村者。至少約有五十人也。乃三兵之中。忽有疾攫施華羅君之來福鎗。而聲稱此鎗當留爲彼用者。施君叱鎗。本置於車上。故該兵得以奪取之。惟鎗已滿裝有子彈。以械資敵。決非我幸。且該兵之言。予雖不盡解。然已略窺其用意。因急以先發制人之計。前行數武。突出旋鎗。奮刺其面。於是而決裂之勢成矣。乃令華僕押車輔行李先行。予與施君則以鎗擬三兵。俾不得出旅店號召同類。既而度華僕等相去已在半英里外。乃一躍上馬。風馳電掣而行。然追兵遲遲不發。直至亭午時。予等以道途崎嶇。人馬並乏。不得不暫憩於道旁。始瞥觀路上塵沙大起。有騎兵十七人疾馳而來。予等亦急起備戰。以車輛攔於前。姑作壁壘。有伏

於壁壘之後。擊鎗待發者。則予等六人是也。然而彼十七騎之壯士。竟如飛而過。順勢而去。非惟不戰。且亦未嘗發一吶喊之聲。不亦異哉。予既返北京。華友之中。有請予赴廣州。助粵人辦理製造局者。予以得此地位。則名望可以較隆。而交游亦必漸廣。頗爲首肯。然須電詢美洲本公司。請其訓令。及接覆電。則以悉聽予己意裁奪爲言。是時蔡廷幹氏曾以此事白諸袁總統。亦敦勸予赴粵。予乃經漢口及上海。而作第二次之南行。抵粵後。既謁都督胡漢民。告以此來之緣由及職務。卽往製造局檢查。以爲任事之預備。予至此始知該局主政人員。於製造事宜。無一非門外漢。計其廠屋之建築。機器之設置等。共費銀三百萬元有奇。當時承辦者爲德國某公司。事事悉倣歐洲最新之式。凡製造局應有之物。可謂鉅細畢備。絕無遺漏。然而開創迄今。已有七載。非惟無成績可言。而廠內管理之忽略。穢垢之充塞。實有令人未易置信者。是誠辜負此絕佳之建築。絕精之設置矣。予考察一過。知局務之腐敗。其弊在上而不在下。乃復詣都督府。向胡漢民實陳。謂如不以該局之全權相畀。予惟有敬謝不遑而已。胡略一躊躇。卽委任予爲該局總工程師兼總理。予聞言大詫。蓋予本一外國軍械公司之游歷經售員。一旦膺此重任。所有該局無煙藥廠一所。黑藥廠一所。兵工廠三所。將悉歸予管轄。而二千餘名之工人。將悉聽予指揮。是豈非始願所不及乎。顧予在美時。曾任軍械廠之工程師及主政員者十年。於廣州製造局之辦法。及所以振頓之者。初未絕無